

## عودة الود

الى بنحبهم من قلبنا عمرهم ما ييهونوا علينا مهما بعدتنا السنين،  
لما بنرجع لهم بنبقى كأننا عمرنا ما بعدنا ولا يوم، هما فعلا بيبقوا كأنهم  
حتة من قلبنا مهما حاول الناس يبعدونا أو الظروف خدتنا واتسرسبت  
السنين من بين إيدينا، بيفضل جونا حاجة رافضة تصدق إن الوقت  
فات، أو إن القلوب ممكن تتغير.

بجد الفرصة لسه ما راحتش، أي حد بعد عن حبايبه وأهله لأي  
سبب ولأي عذر يقدر يرجع لهم ويدفي بحنان قلوبهم قبل ما يفوت  
الأوان، ويصبحوا ذكرى ويفضل يندم عليها طول عمره.